



Inatsisartunut ilaasortaq Randi Vestergaard Evaldsen, Demokraterne

E-mail-ikkut nassiunneqarpoq uunga: [inatsisartut@inatsisartut.gl](mailto:inatsisartut@inatsisartut.gl)

**Suliassanut aningaasassat ikummatissiassanut akuersissutineersut  
atorneqartarneri pillugu §37 naapertorlugu apeqquteqaammut nr. 58-imut  
akissuteqaat**

08-02-2019  
2018-22863

Postboks 1601  
3900 Nuuk  
Tlf. (+299) 34 50 00  
E-mail: [isiin@nanoq.gl](mailto:isiin@nanoq.gl)  
[www.naalakkersuisut.gl](http://www.naalakkersuisut.gl)

Asasara Randi Vestergaard Evaldsen

Qulequttat uuliasiorfiutileqatigiiffinit suliniutinut aningasaliinernut tunngassuteqartut pillugit Inatsisartut suleriaasianni § 37, imm. 1 naapertorlugu Naalakkersuisunut apeqquteqaammik saqqummiussivutit. Apeqqutit uanga suliassaqaarfinit akisassanngorlugit innersuunneqarput.

**Apeqqut 1:**

**Kalaallit Nunaanni uuliamik gasimillu ineriartortitsiinnarnissaq siunertaralugu suliassat tapiiffigineqarsimasut allattorneqarsimaffianni (takuuk apeqq.3, se nr.314-2018) ilaatigut tapiiffigineqarsimavoq aallarnisaasumik ineriartortitsivik. Sunamita pissutaava aaqqissuussinerup taassuma tapiiffigineqarsimaneranut, pineqanngimmammi uuliamik gasimillu ineriartortitisisinisaq kisiannili pineqarluni soorlu siunnersuutip aappassaaneernerani Inuutissarsiornermut, Suliffeqarnermut, Niuernermet Nunanullu Allanut tunngasunut Naalakkersuisup akissummini oqarneratut (takuuk ina.gl, FM2016-p ataaniittoq):**

**”Siunnersuutip aallarnisaasunik ineriartortitsinermik ingerlataqarnerit pilersinnissaat periarfissippai, taakkunatigut soorlu pilerisaarinernut, inatsisaasunut naatsorsuutinullu il.il. peqataasut suleqatigiinnermik ilitserorneqarnermillu pissarsisinnaalersimmagit.”?**

Apeqqummut nr. 5-imut (§ 37-imut apeqquteqaat nr. 314) akissuteqaammi allassimasutut, Naalakkersuisut ilaatigut inuiaqatigiit aningaasaqarneranni siunertanut, ikummatissiassanut akuersissut malillugu pisinnaatitsissummik pigisaqartunit akiliisitsisinnaapput.

Inatsisitigut tunngavissaq tassaavoq aatsitassanut ikummatissanullu inatsit, tassani allassimalluni, ilisimatusarnermut ineriartortitsinermullu suliassanut

ikummatissiassanut akuersissutit malillugit pisinnaatitsissummik pigisaqartunit akiliutissamik Naalakkersuisut akiliisitsisinnaasut, tak. aatsitassanut ikummatissanullu inatsimmi § 16. Akiliinernut taamaattunut atugassarititaasut erseqqinnerusut, pingaartumik aatsitassanut ikummatissanullu inatsimmi §§ 16-imut aamma 84-imut aammalu aatsitassanut ikummatissanullu inatsimmi siunertanut naapertuuttumik, ikummatissiassanut akuersissutini ataasiakkaani aalajangersarneqartarput.

Aammattaq aatsitassanut ikummatissanullu inatsimmi § 84 malillugu, §§ 1-imut aamma 83-imut ataqatigiissillugu, Naalakkersuisut ilaatigut inuiaqatigiinni pijuuartussamik sunniuteqartitsinissaq pillugu, tassalu inuiaqatigiit aningaasaqarneranni suliniutinut, ikummatissiassanut akuersissummi atugassarititaasunik aalajangersaasinnaapput.

Aallarnisaasunik ineriartortitsinermut suliassanut tunngatillugu, taakkua inuiaqatigiit aningaasaqarneranni suliassaapput, uuliasiorfiutileqatigiiffiit tapersiisut immikkut isumaqatigiissuteqarfigineqarnerat naapertorlugu ingerlanneqartartut, juni 2017-imi aamma februar 2016-imi akuersissutit 2013/45, 2013/46 aamma 2014/14 pillugit isumaqatigiissuteqarfigineqarput. Allatut oqaatigalugu pisussaaffiit akuersissummi pigisaanni aalajangersarneqarsimasut ataasiakkaatigut piviusunnigortinneqarnissaat pillugu uuliasiorfiutileqatigiiffinnut isumaqatigiissuteqartoqartarpoq.

## **Apeqqu 2:**

**Naalakkersuisut oqaatigisinnaanerlugit suliniutit allat, allattuiffimmiinngitsut, uuliasiornermulli gasisiornermullu tunngasut, tapiiffiqarsimasut/tapiiffiqassamaartut/akissaminnik pissarsisimasut. Taamaassimappat, aningaasat amerlassussaata oqaatigeqquneqarpoq aamma tapiissutip/akiliutissap tunniunneqarfia piffissaq.**

Suliassat allattorsimaffiat § 37 naapertorlugu apeqquteqaammut nr. 314-imut akissuteqaatip imarisaa, suliniutinut ingerlanneqaleruttortunut tunngatillugu tamakkiisuvoq.

Akuersissutit susoqarfiunngitsut eqqarsaatigalugit, katillugit konto 64.16.03-imi 1.091.645,54 kr. Iluaniippat, taakku suliniutinut pisussaaffinnut ingeniør-, pinngortitamut aamma nunamut ilisimatuussutsikkut ilisimatusarnermut, ukununga akuersissutit 2007/22 (Husky) aamma 2007/24 (Husky)-mut atugassanngortinneqareersuullutik. Suliassanut tapersiivigineqarsimasunut, tassalu suliassanut naammassereersunut, tunngatillugu erseqqissarneqassaaq, taakkua Naalakkersuisup sukullunniit Naalakkersuisuusup akisussaaffigisaata ataani aammalu uuliasiorfiutileqatigiiffiit isumaqatigiissuteqarfigineqarnerat malillugu, Aatsitassanut Suliffeqarnermullu Naalakkersuisoqarfimmit aningaasaqarnera aalajangiiffiqarsimammata. Isumaqatigiissutini immikkuullarissut siunertat, imarisat aamma suliniutit ingerlanneqarneri naalakkersuisoqarfiup susassaartup ataaniippat.

Apeqquteqaatip tamakkiisumik minitaqanngivilluni akissuteqarfigineqarnissaanut , aningaasat sinneqartuussutaasinnaasut eqqarsaatigalugit ilanngullugit, paasissutissat Aatsitassanut Suliffeqarnermullu Naalackersuisoqarfimmut, taanaagami siusinnerusukkut susassaqarfimmut naalackersuisoqarfiusoq, pissarsiarineqartariaqarput. Akissuteqarnerlu suliaqarfigineqangaatsiarnissamik imaqarpoq, taamaamat kingusinnerusukkut aatsaat pisinnaalluni.

### **Apeqqut 3:**

**Siusinnerusukkut apeqqutinni, apeqqut 3-mi apeqqutigaara, " ... aningaasat atorneqarsimanngitsut qassiunersut, kingornalu ingerlaannartumik Inuutissarsiornermut Naalackersuisoqarfimmut atugassanngortinneqarsimasut? Naalackersuisut akeqquneqarput "aappimik" imaluunniit "naaggamik" ilumut konto 34.16.03-mi aningaasanik uninngasuuteqartoqarnersoq atorneqarsimanngitsunk taamaattumillu Naalackersuisunut ingerlateqqinneqartussanik? Taamaassimappat, aningaasat qanoq amerlatiginerat nalunaarutigeqquneqarpoq.**

Naamik. Konto 64.16.03-mi aningaasanik atunngitsunik uninngasuuteqartoqanngilaq, toqqaannartumik Naalackersuisut/Inuussutissarsiornermut Nukissiuuteqarnermullu Naalackersuisoqarfimmukartunik.

§ 37 naapertorlugu apeqquteqaammut nr. 314-imut (2018) akissuteqaammi allassimasut, suliassanut ilisimatusarnermullu kulbrintinut akuersissutinut susoqarfiusunut aningaasassat tamarmik atugassanngortinneqareersuullutik, aalajangersimasunut suliniutinut. Akuersissutit uninngasut eqqarsaatigalugit apeqqut 2-mut akissutigineqartut innersuussutigineqarput.

Aammattaaq aningaasat atugassanngortinneqareersut, kisianni tunniunneqanngitsut, suliniutit pilersaarutaasut iluani piviusunngortinneqarsimanngippata allatut agguaaqqinneqartussanngorsinnaapput. Agguaaqqinneqarsinnaapput taamaallaat suliassanut uuliasiorfiutileqatigiiffiit pisussaaffiinut killissaliussat iluanniittunut, aammalu tamanna uuliasiorfiutileqatigiiffiit isumaqatigiissuteqarfigalugit, taamaalorneq pissaaq suliniutinut isumaqatigiissutigineqarfigineqareersimasut allannngortinneqarneratigut.

Aningaasassat atugassanngortinneqarnerat aamma immikkuullarissumik isumaqatigiissutigineqarsimasut, allaffissornikkut ingerlanneqartarsimapput. Siunissami pisinnaatitsissutini aningaasassanik atugassanngortitsinerit Naalackersuisunut saqqummiunneqartussaapput.

### **Apeqqut 4:**

**Siusinnerusukkut akissummi (normu 314-2018) takuneqarsinnaavoq ilisimatusarfiit arlallit misissuititsinermi suleqataatinneqartut il.il. Naalackersuisunut oqaatigeqquneqarpoq ilisimatusarnissaq pillugu ilisimatusarfiit makkua isumaqatigiissuteqarfigineqarsimanersut: Ilisimatusarfik, Asiaq, GEUS**

**uuliasiornermut gasisiornermullu atatillugu 1.1.2018-miilli. Naatsorsuusiami takussutisseqquneqarput, 1) naatsumik oqaatigalugu isumaqatigiissut sumut tunnganersoq, 2) aningaasat amerlassusaat aamma 3) piffissaq isumaqatigiissuteqarfiusimasoq.**

Suliassanut pisinnaatitsissutinit aningaasalersorneqartunut tunngatillugu sullissivinnut apeqquummi taaneqartunut isumaqatigiissutinut tunngatillugu, paasisutissiissutigineqarsinnaavoq Inuussutissarsiornermut Nukissiuuteqarnermullu Naalackersuisoqarfik suliniut GeoScience Capacity Building in Greenland pillugu 2018-imi novembarimi Asiaq-mut suleqatigiinnissamut isumaqatigiissuteqarsimammat. Suliniut uuliasiorfiutileqatigiit iluminni marts 2018-imi akueraat, Asiaq-mut atassuteqaqatigiissutigineqarluni Aatsitassanut, Suliffeqarnermullu Naalackersuisoqarfimmit, suliniullu malittarisalittut aaqqissuunneqarpoq oktoberimi/novemberimi 2018.

Suliassaq USD 993.797-inik aningaasartaqarpoq, aammalu uuttortaanerit, nunap assiliornerit, alapernaarsuinerit kiisalu Kalaallit Nunaanni sumiiffinni avatangiisinik misissueqqissaarnerup iluanni piginnaasaqarfinnik ineriartortitsinerit iluaqutaassasoq siunertaalluni.

Inussiarnersumik inuulluaqqusillunga



Aqqalu Jerimiassen